

說部叢書

初集
第十九編

鐵血

軍事小說
(卷上)

上海商務印書館發行

鐵血痕卷上

第一章

倍來曰。日耳曼之三十年戰爭。距今幾二百餘年矣。其間英俊之士。乘時而起。焜耀史冊。美不勝書。間有天潢貴胄。亦親臨戎馬。甘殉身於宗教者。若辯斯推佛史。瑞典王名

助日耳曼新教徒
抵抗舊教徒者

若滑令史頓。若鐵力。其聲聲最著者也。顧代遠年湮。芳徽漸泯。其

埋沒而不及表章者。正不可數計。若余所熟知之安拔克伯爵。其生平歷史。實有足令人聞而興起者。雖伯爵與辯斯推佛史輩相較。似尙稍遜前賢。然其事其人。卓然不朽。亦研究歷史者之所當注意者也。讀者諸君。且少安毋躁。以俟吾之畢其說。

沙軋者。日耳曼聯邦中之一國。小而富。歐洲各國。無一不垂涎之。而以法蘭西爲尤甚。然屢起戰爭。終不獲如願。已而法皇忽萌弭兵之念。欲與之聯盟。於時沙軋太子爲愛勃赫。異懦無能。欲允其請。其臣下爭諫阻之。卡兒反對尤力。卡兒者。安拔克之伯爵也。勇而多謀。其父亦一代偉人。沙軋之得以支持於列強之間者。卡兒父子二

人實左右之。法皇之求與沙軋聯盟。亦欲藉此以籠絡卡兒耳。卡兒窺見其隱。拒之。惟恐不至。顧默察愛勃赫太子之意。殊不爲然。且卡兒之父在日。亦願沙軋得早享和平之幸福。恆爲卡兒言之。故卡兒俯仰其間。既欲上順君心。復思下承父志。雖未允法聯盟。而一時亦暫戢干戈。相安無事。沙軋之人。用是咸斥卡兒爲懦弱。卡兒亦弗之辯。時有勒克丁晴者。法之附庸國也。其國主勒奪威。仰承法皇意旨。屢請與沙軋聯盟。因與卡兒有世仇。往歲勒奪威曾求與沙軋聯盟。卡兒之父拒之。遂設計刺殺其父。故云云。堅卻之。實則勒奪威亦本無意於此。其所以屢請聯盟者。因沙軋逼近其國。欲并吞之以擴版圖。特先假法皇之勢。藉聯盟之名。陽敦和好。而陰肆其攘奪之計耳。愛勃赫見其幣重而言甘也。深信之。常因是與卡兒齟齬。其太子曰麥克晴靈。太子二字爲當時邦君之通稱。非專指儲君而言。故父子俱稱太子。觀卡兒之屢梗父命。且沙軋時方被派聘喜姆人之侵擾。邊境騷然。迄無甯宇。而卡兒處之漠然。因之釐言四起。指摘交加。於是父子均不以卡兒爲然。勒奪威聞之。知沙軋內政不和。而愛勃赫之女曰陀露茶。美慧絕倫。豔名噪於鄰國。復欲得之以

爲妻。遂益蠢蠢然思動。欲以陰謀詭計。償其鯨吞虎噬之目的矣。維時正值五月。某日侵晨。安拔克伯爵卡兒。立於沙軌堡之草場上。面臨一池。徙倚無聊。擲石作戲。池水作深黑色。掩映於溶溶旭日中。流動若笑。乃復手攀雉堞之上。竚立以望。目光炯然。少焉。水靜不波。雙眉低蹙。其後忽來一幼女。正操灑掃之役。見之微笑。且側坐於其旁之石上。伯爵身長而頤靜。立於前。如峭壁之屹峙日光中。初未嘗留意此幼女也。而幼女則若深知其意向者。徐抒其憐愛之柔情。歛笑而爲之長歎。乃伯爵猶漠然未覺。復取碎石以投諸池。池水砰訇。引之欲笑。已而覩波紋之蕩漾。觸心緒之游移。忽自悟其爲兒戲之事。遂止弗擲。幼女忽自後喃喃言曰。設吾而爲魚者……語未畢。卡兒聞之。急歛笑迴眸而呼之曰。毓蘭。汝何時至此。幼女遂鞠躬而言曰。安拔克伯爵乎。我將爲魚請命。卡兒肅然曰。毓蘭乎。吾意豈在魚乎。毓蘭呼曰。唉。！汝之言常若此。其意果何居者。卡兒不答。但曰。美哉此水。殆與汝秋波相似矣。幼女聞之。轉笑爲羞。歛唇不語。一縷紅雲。從粉頸而上。暈兩頰。卡兒急攬以他語曰。頃汝來此。

我竟未之覺。蓋以常見而相習若忘也。語畢。目瞪氣促。前執毓蘭之手而言曰。毓蘭。毓蘭。汝必知。……毓蘭急奪其手而呼曰。否否。汝果有幾何之權力。而可以言此者。卡兒曰。此言正爲汝而發。我之親愛者。我之親愛者。汝必俾吾達此目的。毓蘭自卡兒手中。掙脫其腕。距躍而言曰。否否。汝毋言此。汝試觀合日耳曼之人。皆嘗建立事業。且甚偉大。而此沙軋之地。胡竟無一人能占此事業中之一部分耶。語畢。靜立以俟其答。而卡兒則回望遠處之森林。及豐茂之草地。牛羊就食。藂集其處。兩人寂寂者移時。毓蘭復喃喃曰。卡兒。汝能之。汝必能立偉大之事業者。言時星眸斜睇。注視卡兒之面。似極願其傾聽者。然卡兒曾不迴顧。仍屬目於曠野。頃之。言曰。我視我所爲之事。無一足以伸長其權力者。毓蘭急問曰。何以故。何以故。汝能游說太子使戰。俾聯合威馬爾公爵之軍。汝似遠勝於彼輩矣。而奈何不努力爲之。卡兒。汝果胡爲而若此。汝殆因……語至此。置其手於卡兒之臂。伯爵徐徐言曰。吾能游說太子使戰。并能使沙軋與戰地相連。然而我竟不爲者。蓋因……毓蘭僥曰。殆因其至難歟。

抑至險歟。否則汝或溺於宴安而不克自振歟。伯爵驚地轉身。注視毓蘭而言曰。此解殊謬。戰。榮譽也。而奮不畏死。又含有冒險之意。設父死於沙場。則子亦當冒鋒鏑。捐軀命。誓不保首領以沒於牖下。毓蘭聞言。櫻脣微顫。凝盼伯爵之面。惶悚特甚。蓋此數語雖無甚新義。而伯爵言時。貌頗沉毅。一若必見諸實行者。毓蘭遂亦信爲必然。少焉。與伯爵四目相遇。遽俯首不敢仰視。伯爵乃極意溫存。伸手挽毓蘭至身旁而言曰。吾親愛之毓蘭。此事瑣瑣。無足介意。語未畢。忽有一黃髮之幼女。明眸皓齒。光耀若日光之注射。亦適馳至堡前之場上。抒其愉快之聲而呼曰。毓蘭。毓蘭。且呼且行。長裙掃地。搖曳生姿。毓蘭聞聲返顧。紅潮深暈頰際。伯爵亦急旋踵而強作笑容。蓋來者非他。卽陀露茶公主也。公主呼曰。甚善。伯爵。汝來此乎。伯爵應曰。唯。陀露茶公主遂熟視兩人。後斜目以睨卡兒言曰。汝來此。汝曾奉吾之命令否。卡兒乃行越於毓蘭之前。對曰。然。我固奉主命令而來此者。公主曰。固也。然我不嘗更命汝往某處乎。伯爵曰。此則尙未前往。公主曰。然則汝不欲急探彼等之消息歟。伯爵鞠躬。

對曰。主之命令。在在皆當順從。語時見毓蘭已去。遂續曰。其竟至方命者。實因與毓蘭姑娘。討論沙軋之政法耳。公主曰。安拔克伯爵之思想。固極其敏妙者。伯爵乍聆此言。並無笑容。公主又曰。我父固常如是言之。伯爵曰。國際法自爲最有益之學問。公主曰。國際法乎。設汝知此者。必當更順從我。伯爵肅然曰。是固然。我將往矣。公主曰。然則汝願撥汝之衛兵。助吾馳至滑而奪卡溪之地乎。卡兒曰。謹如命。伯爵於是步下城堡。凝眸遠矚。徘徊堡前之草場。回味適聞毓蘭之語。意頗猶豫不決。蓋羅森彼得之毓蘭姑娘。甚願伯爵在日耳曼諸國中。占一優勝之地位。伯爵默思近事。預計將來。亦殊倜儻自喜。因生平所熟識之人。其憑藉遠出伯爵下。然已均離其瘠弱之祖國。而致身通顯。汗馬功勳。唾手而得。故驟聞毓蘭之語。益爲之神往。蓋毓蘭固深推重伯爵者。以爲彼疇昔所行勇敢之事業。威聲赫赫。卓著國中。實爲當時特出之人物。且視蕞爾沙軋。幾無一足以酬其勞績者。幻想所至。幾欲躋卡兒於威馬爾公爵及勒克丁晴太子勒奪威之父之列。餘子若勒克丁晴之勒奪威輩。尙不足比數。

而不知伯爵之意。且更有進於此者。當勒克丁晴之名。一經輾轉腦中。陡覺怒氣勃勃。目眦欲裂。若有非常怨忿者。蓋六年以前。其父被刺於勒克丁晴之境中。刺者不得主名。伯爵猶憶其父有一侍兵。爲一鹵莽之蘇格蘭人。是日身負重傷。突入安拔克廳事中。倚桌防墜。呼曰。夫人。伯爵戰死矣。其母聞之。面色灰白。低聲飲泣。旋從椅上起。遽傾跌。迨其父之尸。昇入城堡。伯爵終夜不寐。長守此生時互相親愛之人。旋見青石一方。橫置安拔克之嶺上。而其父遂追侍其列考列妣而長埋於地下矣。往事追思。歷歷在目。勒克丁晴之名。遂從此永鑄於伯爵之腦中。而決之不能去。然勒克丁晴之人。實惟卡兒之父是畏。迨其父既死。勒克丁晴之勒奪威太子。以爲阻力已去。可操縱自如。復向沙軋求爲聯邦。於時卡兒新襲安拔克之爵。墨經興戎。逕趨沙軋。欲繼父之志。依愛勃赫太子以軍。太子懦夫也。碌碌不足與有爲。然卡兒猶藉其庇蔭。礪兵秣馬。而全神悉貫注於勒奪威。勒奪威亦早揣知之。恆爲戒備。顧卡兒之怨勒奪威太子雖深。而自知係一己之私仇。非沙軋之公敵。況爾時沙軋戰事正

亟。兵戈擾攘。民不聊生。更不當以一己之故。使全國重被戰禍。故雖力梗勒克丁晴聯盟之議。而亦未與開戰。猶復運籌愛勃赫太子左右。俾沙軋長享和平之幸福。此蓋卡兒苦心孤詣。不得已而出此者。斯時蹀躞草場之上。自念其所行之事。在毓蘭眼中觀之。似未許可。毓蘭爲卡兒生平第一知己。在理宜順其意行之。然欲保全父及己之名譽。則萬不能破壞沙軋和平之局。以取悅於一女子。且毓蘭之反對己者。其意果何屬歟。則又輾轉籌思。驟難索解。頃之行及堡門。則麥克晴靈太子等衆咸在。而毓蘭亦預焉。伯爵舉目流盼。獨注毓蘭。斯時毓蘭端然莊坐。其面背陰。帽欹欲墜。公主忽自後呼曰。汝儕又復討論政法乎。麥克晴靈太子曰。否否。卡兒正勉力以求朱紫之榮。卡兒曰。吾正欲仰副太子之盛意耳。遂皆緩轡徐行。穿林而出。仰視天空。雲影片片。自南而至。集於一處。然日光從雲隙中下射。仍皎然朗耀。林中遙透熹微之晨光。公主回首四顧。忽問伯爵曰。此處之四御者。胡爲乎來。豈欲藉是以衛我耶。伯爵。汝亦太事謹慎矣。卡兒鞠躬而答曰。吾尙慮其不足。公主怏怏曰。民之怨吾。

乃如是其甚耶。

沙札是時方被戰禍故云

伯爵曰。伏莽滋多。游民遍地。公主胡可坦然無備耶。公

主曰。四方不靖。道途荆棘。脫有侵犯。毓蘭者亦甚可懼。語時。目光直射伯爵。發一狡

獠之冷笑。伯爵曰。果若此者。猩猩同病。公主自當代爲憂之。公主復自首至足。視此

頗長之伯爵而言曰。伯爵。吾聞君言。頓增疑懼。今欲丐君保吾如赤子。君其能允我

否。卡兒聞之。二目直視公主。狀至嚴厲。答曰。毋多言。吾必保公主平安。公主悄然呼

曰。君今何勇敢至是。卡兒曰。勇敢乎。吾方思及勇敢之事。第言之匪難。行之實難。其

事固有非常棘手者。公主而欲吾行之乎。則請公主自愛。否則恐他人飛短流長。咸

將誣讎公主。衆口鑠金。吾卽欲保護公主。亦恐無所用。力矣。

陀露茶人頗輕佻故卡兒特以此言規之觀第

九章自悉

公主聞言。嘿嘿不語。一俯仰間。淚盈盈已承於睫。凝視伯爵。狀似震恐。伯爵觀

其輕盈可憐之態。心大不忍。乃笑慰之曰。公主嬌小若此。我見猶憐。復更有何人不

任保護公主者。公主肅然言曰。安拔克伯爵。汝今乃譽吾耶。是誠不可多得者。噫。汝

乃於此草場之上譽吾。卡兒曰。吾亦聊表吾敬主之心而已。公主曰。敬吾耶。卡兒曰。

吾之敬主。亦云久矣。公主斜睨而笑曰。久乎。語至此。忽又歛笑而言曰。汝必恕吾。吾誠冒昧。恆不假思索而卽言。卡兒曰。吾則恆思索而不言。因言固夫人能之。公主曰。君言時固甚善。卡兒曰。公主亦如是云者。人益將信吾之能言矣。言畢。微笑起立於鞍。以手遮額。從日光而遠矚。旋呼其兩侍者至前。共迤邐入林際。其旁爲一斜坡。小草廉纖。穀實蕃殖。麥克晴靈太子及毓蘭均立其上焉。遙望村煙矗立。蒸鬱若雲。此迷茫之林樹外。但見四境人馬疾馳。叫囂雜沓之聲。隨風而度。太子顧卡兒在側。卽謂之曰。平安之沙軋。今乃被人侵伐矣。言畢。向之冷笑。且曰。卡兒。汝非夙守和平主義者歟。卡兒疾言曰。寇騎已逼。太子可速與眷屬返匿林中。言時。其二侍者先行及山腰。村中之騎兵見之。咸聚合其處。一侍者返身呼卡兒。且呼且向南方漢姆彼得之地。縱轡疾馳。卡兒從其後以行。蒿目時艱。一片亂離景象。令人不忍卒視。烽煙四起。村中所有廬舍。半付燼餘。家用之什物。狼藉於花茵草褥間。在在皆是。村之柵門旁。偃臥一人。傷重出血。血痕模糊。一婦人跪於其側。哽咽而親其灰白之脣。衣服破

碎。不蔽其膚。見卡兒及二侍者至。戰慄退縮。幾無人狀。侍者中之一。爲蘇格蘭產。憤而大呼。誓必殺賊。馳馬以巡視被焚之房屋。其一則默守於旁。不作一語。卡兒下馬。屈一膝跪於婦人之旁。以手按其首而問曰。傷哉夫人。此爲誰歟。婦人熟視卡兒之面。忽大恐。顫聲而呼曰。派聘喜姆人。！派聘喜姆人。！言畢。仆於死者之胸而懷抱之。復呼曰。吾之人。吾之人。淚竭聲嘶。嗚咽不已。卡兒俯視片刻。蹙額而起。返覓在後之太子及兩女郎。且大呼曰。此險地也。禍且至。其速歸。但諸人仍屹立不少動。太子更以鞭指卡兒而言曰。汝非不言征伐。而主張和平之人歟。今和平之效果乃若此。一時在太子左右之人。咸紛紛議卡兒。譏評交作。其稍有識見者。則曰。安拔克伯爵之心無他。不過長願和平而已。毓蘭唇翻目閃。直視卡兒。其意亦似不以卡兒爲然者。旋復下馬。奔至跪於淤泥中之婦人旁。以手抱之。婦人初以神經大受感觸。震極而顫。旋窺毓蘭之面。知無惡意。卽伏身於毓蘭之胸。號呼不止。時有哀甲不整之村民。從滑而奪卡溪而來。覩房屋之被焚。羣聚而商良策。蘇格蘭人亦馳返報卡兒曰。

房屋雖被焚毀。然強半尙存。卡兒不之答。蘇格蘭人卽發令村民。盡力保護。毋或少懈。此死者之屍。旋有人以布覆之。而移至他處。婦人旣不忍離其死者。又不能去毓蘭。徐徐而行。時欲傾仆。幸毓蘭以手力掖之。有頃。卡兒呼蘇格蘭侍者曰。迦克。汝曾親見敵人乎。迦克曰。見之。派聘喜姆之徽章。派聘喜姆之服色。夥矣盛哉。卡兒曰。今已退去否。迦克曰。已盡退去。卽一豕亦不留遺矣。卡兒立吮其唇。目注南方者久之。旣而曰。去之。往告毓蘭。吾將於沙軋之地。予以衛兵。太子適在其側聞之。乃曰。此區區者。卽足保沙軋和平之局乎。吾度毓蘭之意。當與吾同。必不欲蒙辱以求安也。卡兒如弗聞焉者。但返顧曰。太子之妹安往哉。太子曰。嬌軀怯觀此血戰。返匿於林中矣。語時。蘇格蘭人已馳馬返。告曰。主乎。毓蘭姑娘云。殊不願得安拔克伯爵之衛兵。太子呼曰。何如。何如。忠言逆耳利於行。吾願汝傾聽之也。卡兒聞之憤甚。仰天而誓。是時雲氣四合。青空之天。幾爲之塞。卡兒策馬竟返。取道林中。愴然深思。默默無語。任衆口之嘵嘵。似聞非聞。絕不一答。太子乃厲聲呼曰。卡兒。汝此時當許吾與勒克

丁晴聯盟矣。卡兒仍若不聞。太子復曰。果若此者。吾國其庶有多乎。卡兒唯唯否否。終不置一詞。蓋卡兒非惟深鄙太子之策。亦且重違毓蘭之心。而決不輕許之也。當其復至城堡之時。夕陽將墜。天上濃厚之雲。豁然復開。日光明耀若銀。由青空而下射。閃爍於羅森彼得城堡之金色風信旗上。沙軋之草地森林。亦爲落暉所返照。而掩映弄姿。卡兒凝視久之。幾難復耐。

第二章

愛勃赫太子曰。有是父。必有是子。卡兒。汝曾讀弗蘭克史一書乎。汝爲一大文學家。而所行之事。奈何如是。今請勿再搖惑余志。余非不知汝意良佳。然須知予之決計。欲行一事。亦屬生平不數觀之舉。嗟乎卡兒。以汝之嚴厲。與汝父相較。尙覺青出於藍。第予志決矣。予其忍再墮予志乎。設予而再墮此志者。則予……語至此。卡兒僂曰。君其決欲往彼土耶。愛勃赫太子曰。然。卡兒。予旣言之矣。予之決計若此。實生平不數觀之舉。設勢非窮蹙。猶可緩圖。而今則非其時矣。卡兒。汝非慮予爲彼所欺。如

往時希臘國君被困於諸誘引之人歟。第今非昔比。此固別爲一事矣。卡兒曰。君將親往勒克丁晴歟。抑將留守國中歟。一言而決耳。奚待狐疑。愛勃赫太子又曰。此固別爲一事矣。言之至再。尙喃喃不止。卡兒知難理論。乃鞠躬退。卡兒在沙軋旣久。由後遡前。似亦不妨隨波逐流。姑贊成此舉。而卡兒決計不爲者。則以每念及此。覺安拔克嶺上之靈魂。雖死之日。猶生之年。時時詔以母食勒克丁晴太子之麵包。如首陽之怨。雖歷萬劫而不磨者。遂決意留守沙軋。而不欲身與於勒克丁晴之盟。乃未幾而一奇事起矣。愛勃赫太子旣率衆往。比及中途。甫入勒克丁晴之境內。忽於林深菁密中。驟有派聘喜姆之騎兵一方隊。風馳電掣。狂呼而前。直犯愛勃赫太子之衆。槍聲一振。彈雨紛飛。而愛勃赫太子之從人。曾無一素習戰事者。一時紛擾無主。幾若羣羊之遇犬。而陀露茶公主。當第一次衝突時。卽已與餘人相失。突來粗暴之騎兵二。一執其纜。一擁其身。遂大呼其弟相援。而其弟方躑躅覓其手槍。蓋愛勃赫太子之從人。行軍時之絕無預備。於此可見。正皇急間。忽鼓聲發於山巔。清烈而銳。

則勒克丁晴之甲兵已從山下矣。勒奪威太子縱馬而出。親爲之指揮。派聘喜姆兵見之。亦殊不懼。一人尙馳親陀露茶之吻。親畢。從容匿笑而去。勒奪威太子疾馳至公主之前。下馬而呼曰。公主得毋傷乎。陀露茶淚痕慘淡。哽咽答曰。否否。彼未傷予。勒奪威太子怒詈曰。忍哉斯人。一至於此。陀露茶聞之。不禁破涕爲笑。且問曰。何哉。豈以彼之未傷予而轉詈之乎。勒奪威曰。凡事之有益於公主者。苟萬不得當。卽割吾國之半而爲之。亦所願也。今公主幸未傷。吾心滋悅矣。語時。以目送情。似不盡。僅含快樂者。公主少不更事。亦以目相答。紅暈及腮。且言曰。賴君相救。余心滋感。時派聘喜姆之兵已爲勒奪威之兵衝散。愛勃赫太子旋至勒奪威之前。謂之曰。余茲因君之厚貺而敬君。勒奪威鞠躬答曰。使君等受困至此。余心歉然。今能容予盡力護衛乎。愛勃赫太子聞之。意殊自喜。遂向勒克丁晴城堡而進。勒奪威卽跨馬從之。欣欣然以爲得計。時發令以示實踐。其對愛勃赫太子之語。陀露茶公主見之。未免有情。頻視以目。勒奪威偶一迴顧。則頰暈朝霞。俯首不語。勒奪威心大喜。一時熱度

上升。一若週身血脈。悉駢集於其上。部者。然當派聘喜姆人未進攻沙軋以前。山之巔。有一面北之叢林。林後別駐兵一隊。傍山而列。其前後左右。悉遣騎偵之。迨派聘喜姆兵進攻之時。偵騎卽飛馳入林。一一報告。旋有二人自林中出。儀表莊嚴。疾趨山前以觀戰。一人呼曰。樂孟德。汝試觀之。此非最善之伏兵歟。嗚呼。沙軋之地。不乏吾儕之良友。吾將一往省視之。第此時不知誰爲吾儕極親愛之友。而留守彼地者。言畢。其同伴欠伸答曰。土來。我躬不閱。遑恤他人。設汝亦不勇於任事者。吾儕不更安樂歟。且汝謂沙軋多汝極親愛之友。此野蠻之名。余實厭聞之。土來笑曰。吾之親愛者。如子所言。恐變劇之來。正未有艾。且今吾儕徒策馬立於山巔。甯非至愚之事。樂孟德曰。日光酷烈如此。而派聘喜姆之兵。猶進攻不止。土來曰。然。吾沙軋之良友。受困甚矣。樂孟德曰。吾儕盍由此而進。以助汝之良友乎。土來曰。姑少待。吾儕且勒馬以覘此伏兵。不見夫勒奪威已吹角而進軍乎。不見夫勒奪威之兵隊且接戰乎。噫。美哉此戰。誠可爲大觀矣。樂孟德曰。勒奪威之兵。頗似極有熱忱者。土來曰。咄。兒